



Datum: 20.09.2021.godine

Primljeno:			
Org. jed.	Kl. ozn.	Red. broj	Br. priloga
01	04	2271	121

**BOSNA I HERCEGOVINA  
FEDERACIJA BOSNE I HERCEGOVINE  
OPĆINA ZAVIDOVIĆI  
OPĆINSKO VIJEĆE ZAVIDOVIĆ  
n/r. gđa. Erna Merdić-Smailhodžić, predsjedavajuća**

**Predmet:** Inicijativa za dopunu Člana 167. i 168. Poslovnika o radu Općinskog vijeća Zavidovići

Poštovani,

na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Općinskom vijeću Zavidovići podnosim INICIJATIVU za dopunu člana 167. i 168. Poslovnika o radu Općinskog vijeća Zavidovići a koji tretira postupak i način postavljanja vijećničkih pitanja kao i dostave odgovora.

U skladu sa stavom 4. pomenutog člana ovu Inicijativu dostavljamo u pisanoj formi sa

**OBRAZLOŽENJEM** kako slijedi:

S obzirom da u Poslovniku o radu Općinskog vijeća Zavidovići nema odredbe o postavljanju vijećničkih pitanja putem e-mail servisa ili bilo kojim drugim elektronskim putem, a koji bi pospiješio i ubrzao kako postupak podnošenja tako i proceduru dostave odgovora na vijećnička pitanja, podnosim Inicijativu za dopunu Člana 167. i 168. Poslovnika o radu Općinskog vijeća Zavidovići koji tretira postupak postavljanja vijećničkih pitanja i dostave odgovora na iste.

Dopuna Člana 167. Poslovnika o radu Općinskog vijeća bi se izvršila na način da se doda novi (četvrti) stav koji glasi: "Vijećnici imaju pravo postavljati vijećnička pitanja Općinskom načelniku i bilo kojoj općinskoj službi i institucijama koje vrše javna ovlaštenja iz općinske nadležnosti i putem e:mail servisa"

Dopuna Člana 168. Poslovnika o radu Općinskog vijeća bi se izvršila na način da se doda novi (drugi) stav koji glasi: " Ukoliko je vijećničko pitanje upućeno podsredstvom e:mail servisa, odgovor na vijećničko pitanje može se dostaviti na isti način u elektronskoj formi.

Općinska organizacija SDP BiH Zavidovići    Општинска организација СДП БиХ Завидовићи

Sekretarijat:    Adresa: dr.Pinkasa Banta bb  
(zgrada „Stare općine“)  
72220 Zavidovići  
Bosna i Hercegovina

Tel: +387 (0) 32 879-040  
Fax: +387 (0) 32 879-040  
E-mail: [sdpzdici@bih.net.ba](mailto:sdpzdici@bih.net.ba)

[www.sdp.ba](http://www.sdp.ba)  
[facebook.com/sdpbih](https://facebook.com/sdpbih)  
[facebook.com/sdpbihzavidovici](https://facebook.com/sdpbihzavidovici)

Za realizaciju ove odluke zadužuju se općinski načelnik i nadležne općinske službe sa rokom od 30. dana od dana usvajanja inicijative.

Realizacija ove inicijative neiziskuju nikakva dodatna sredstva kroz Budžet općine Zavidovići.

S poštovanjem,



Vijećnik SDP BiH u OV Zavidovići

Haris Hodžić, dipl.oec

Općinska organizacija SDP BiH Zavidovići    Општинска организација СДП БиХ Завидовићи

Sekretarijat:    Adresa: dr.Pinkasa Banta bb  
(zgrada „Stare općine“)  
72220 Zavidovići  
Bosna i Hercegovina

Tel: +387 (0) 32 879-040  
Faks: +387 (0) 32 879-040  
E-mail: [sdpzdici@bih.net.ba](mailto:sdpzdici@bih.net.ba)

[www.sdp.ba](http://www.sdp.ba)  
[facebook.com/sdpbih](https://facebook.com/sdpbih)  
[facebook.com/sdpbihzavidovici](https://facebook.com/sdpbihzavidovici)

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Primljeno: 06-10-2022			
Org. jed.	Kl. ozna.	Red. broj	Br. priloga
01	04	2733/21	

Broj: 02-04-2399/21-AP-13  
Datum: 05.10.2022. godine

STRUČNA SLUŽBA  
GRADSKOG VIJEĆA ZAVIDOVIĆI  
- O v d j e -

PREDMET: Stav po inicijativi Kluba vijećnika Socijaldemokratske partije BiH  
u Općinskom vijeću Zavidovići za dopunu člana 167. i 168.  
Poslovnika o radu Općinskog vijeća Zavidovići, dostavlja se

U prilogu akta dostavljam vam stav po inicijativi Kluba vijećnika Socijaldemokratske partije BiH u Općinskom vijeću Zavidovići podnesenu za dopunu člana 167. i 168. Poslovnika o radu Općinskog vijeća Zavidovići.

Stav po podnesenoj inicijativi dostavljam u skladu sa članom 109. stav 5. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021).


S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović







Broj: 02-04-2399/21-AP-12

Datum: 05.10.2022. godine

GRAD ZAVIDOVIĆI  
GRADSKO VIJEĆE ZAVIDOVIĆI  
- O v d j e -

Na osnovu člana 109. stav 5. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019 i 4/2021), povodom podnesene inicijative Kluba vijećnika Socijaldemokratske partije BiH u Općinskom vijeću Zavidovići za dopunu člana 167. i 168. Poslovnika o radu Općinskog vijeća Zavidovići dostavljam:

**PREDMET:** Stav po inicijativi Kluba vijećnika Socijaldemokratske partije BiH u Općinskom vijeću Zavidovići za dopunu člana 167. i 168. Poslovnika o radu Općinskog vijeća Zavidovići, dostavlja se

Inicijativu Kluba vijećnika Socijaldemokratske partije BiH u Općinskom vijeću Zavidovići za dopunu člana 167. i 168. Poslovnika o radu Općinskog vijeća Zavidovići ne treba prihvatiti.

„**Vijećničko pitanje**“, je posebno ustanovljeno pravo vijećnika da u okviru prava i dužnosti vijećnika, postavlja, javno, na sjednici Gradskog vijeća vijećnička pitanja koja se odnose na rad gradonačelnika i gradskih organa uprave u izvršavanju zakona, drugih propisa i opštih akata Vijeća, kao i na rad institucija koje imaju javna ovlaštenja. Aktivnosti koje bi prethodile postavljanju vijećničkih pitanja bila bi prikupljanje informacija za ostvarivanje mjesta i uloge vijećnika.

Članom 8. stav 1. alineja 6. Poslovnika o radu Općinskog vijeća Zavidovići, („Službeni glasnik Općine Zavidovići“, broj: 7 -2014 - prečišćen tekst, 9/14, 8/18, 8/19, 4/21, 4/22 i 5/22), propisano je da vijećnik u ostvarivanju svojih prava i dužnosti: „- postavlja vijećnička pitanja koja se odnose na rad gradonačelnika i gradskih organa uprave u izvršavanju zakona, drugih propisa i opštih akata Vijeća, kao i na rad institucija koje imaju javna ovlaštenja;“

Članom 87. Poslovnika o radu Općinskog vijeća Zavidovići, propisano je:

**„Član 87.**

Nakon usvajanja zapisnika vijećnicima se daje mogućnost da postave vijećnička pitanja i inicijative i da se eventualno izjasne u vezi sa odgovorima na vijećnička pitanja.“

„Član 167. i član 168. Poslovnika o radu Općinskog vijeća Zavidovići, glase:

**„Član 167.**

Vijećnička pitanja se postavljaju predsjedavajućem Vijeća na početku sjednice, nakon usvajanja zapisnika u pisanoj formi, a on ih prosljeđuje Općinskom načelniku ili subjektu kojem je upućeno.

Vijećnik koji podnosi pitanja u pisanoj formi može obrazložiti postavljeno pitanje u trajanju od dva minuta.

Vijećnik koji postavlja pitanje u pisanoj formi u podnesku treba navesti da li traži usmeni odgovor na sjednici Vijeća ili odgovor u pisanoj formi.“

### Član 168.

Odgovori na vijećnička pitanja mogu se davati usmeno ili u pisanoj formi na prvoj narednoj sjednici.“

Predmetnom Inicijativom predložena je dopuna člana 167., na način da se iza stava 3. doda novi stav 4. koji glasi: „**Vijećnici imaju pravo postavljati vijećnička pitanja Općinskom načelniku i bilo kojoj općinskoj službi i institucijama koje vrše javna ovlaštenja iz općinske nadležnosti i putem e:mail servisa**“, a u članu 168. iza stava 1. dodaje se novi stav 2. koji glasi: „**Ukoliko je vijećničko pitanje upućeno posredstvom e:mail servisa, odgovor na vijećničko pitanje može se dostaviti na isti način u elektronskoj formi.**“

Predložena dopuna člana 167. i člana 168. u suprotnosti je sa odredbama člana 87. i 167. stav 1. Poslovnika o radu Općinskog vijeća Zavidovići, koji propisuju da se vijećnička pitanja postavljaju predsjedavajućem Vijeća, nakon usvajanja zapisnika u pisanoj formi, na sjednici Vijeća, te predlažem Gradskom vijeću Zavidovići da istu odbije.

Članom 13. i 14. Poslovnika o radu Općinskog vijeća Zavidovići, propisano je da vijećnik ima pravo da bude redovno i pravovremeno informisan o svim pitanjima od značaja za ostvarivanje mjesta i uloge Vijeća, kao i uvida u informativni i dokumentacioni materijal koji se izrađuje ili prikuplja u Stručnoj službi Vijeća, općinskoj upravi i drugim posebnim službama i organima, a koji se odnosi na pitanja o kojima se raspravlja u Vijeću.

Način prikupljanja informacija potrebnih za rad vijećnika ne može se smatrati „**vijećničkim pitanjem**“, već pravo vijećnika da u skladu sa članom 14. stav 2., koji glasi: „Stručna služba je obavezna da pruži stručnu i tehničku pomoć Vijećnicima u obavljanju njihovih dužnosti.“, traži određene informacije za ostvarivanje mjesta i uloge vijećnika.


Iz navedenih razloga predlaže se Gradskom vijeću Zavidovići da odbije predmetnu Inicijativu.


S poštovanjem

Dostavljeno:

1. Naslovu,
2. U spis.

Obradila:

  
(Samira Pinjić)



GRADONAČELNIK

doc. dr. Hašim Mujanović